

HUMESO WA MPFAPFARHUTO WA XIVIKO XA HOFISI YA MULAVISISI WA SWIVILELO SWA XIBALO MAYELANA NO XUNGETIWA KA TIPHUROFAYILI TA EFILING LESWAKU VAAKATIKO VA ANGULA

Tshwane, 1 Nhlangua 2025 – Vukorhokeri bya Xibalo bya Afrika-Dzonga (SARS) byi lemuka humeso wa mpfapfarhuto wa xiviko xa Hofisi ya Mulavisisi wa Swivilelo swa Xibalo (OTO), leswaku vaakatiko va angula, eka tikheyisi to xungetiwa ka tiphurofayili ta eFiling.

Hiletlhelo, SARS yi lemuka swiringanyeto swa OTO, nhlanguano wu tiyisisa vahakelaxibalo leswaku leswi swi vi le swa nkoka eka phurogireme yo endla ximodeni eka malembe mo hlaya. SARS yi tshama yi tiyimiserile ku tiyisa tindhawu ta nkoka leti kombisiweke. Leswi swi katsa ndlandlamuxo wa maendlelo ma yona ma mpasiso; ku antswisa nkumisiso wa nxungeto-vuxisi; ntlakuso wa tisisiteme ta ntiyisiso-vuyiselo; tiyisa ntirhisano na tibangi, Khomixini ya Nhundzu ya swa Miehleketo na Tikhamphani (CIPC), na Vukorhokeri bya Maphorisa bya Afrika-Dzonga (SAPS).

SARS yi tshemba leswaku OTO yi tlanga xiave xa nkoka eka ntumbuluko wa xibalo no sirhelela no tlakusa xibalo na sisiteme ya swa timali etikweni. Ntlakuso wa ntirhisano exikarhi ka mavandla lama nkoka, SARS na OTO, swi na nkoka eka matirhelo ma sisiteme ya xibalo. Eka xiyimo lexi, SARS yi ta veka mavonelo eka mpfapfarhuto wa xiviko ku fana na mavandla man'wana lama nga na ntsakelo. Ku engetelela, SARS yi tshemba leswaku ku hoxa xandla ka yona ko aka ku ta pfuna ku ya emahlweni ku dzikisa vutitshembi eka vahakelaxibalo hinkwavo bya leswaku tipulatifomo ta xielekitironiki ti sirhelelekile no hlayiseka ku burisana na nhlanguano.

SARS yi lemuka leswaku vugevenga bya le ka inthanete i nxungeto lowu kulaka no ncincancinca, leswi lavaka vuvekisi bya nkoka na lebyi yaka emahlweni ku ya eka ku endla ximodeni eka pulatifomo ya yona ya vulawuri bya xibalo tanihileswi swi katsiweke eka kungu ra yona ra sweswi ra qhinga ra 5 wa malembe. Swiringanyeto swo tala eka xiviko xa OTO se swi sungurile naswona swi ta xopaxopiwa ku ya emahlweni tanihileswi tipala to korela ti fambafambaka. Leswi swi kongomisiwile eka ku tiyisa randlalo ra vuhlayiseki, naswona leswi swi vangiwiwe hi swivilelo swa hina mayelana na ntumbuluko wa vugevenga bya le ka inthanete. Tanihi nhlanguano lowu tirhaka eka mbangu lowu cincaka hi xihatla mayelana na thekinoloji, SARS yi ya emahlweni yi xopaxopa mixungeto ya maqhinga, leswaku yi ta hlamula eka micinco leyi no tshama yi ri emahlweni ka njhiko. SARS yi ta avelana mivono na OTO.

SARS yi tshemba leswaku phurofayili yihi na yihi leyi xungetiwaka yi tele swinene. Vatlangi hinkwavo va xiave va fanele ku tirha xiphemu xa vona ku sivela swigevenga ku fikelela vuxokoxoko bya vahakelaxibalo. Swi na nkoka ku swi vuyelerisa leswaku vahakelaxibalo va hlayisa vuxokoxoko no ka va nga byi paluxi eka vanhu lava nga pfumeleriwangiki. Vahakelaxibalo va fanele va tirhisa tipulatifomo ta le ka inthanete leti sirhelekeke to fana na eFiling. SARS yi nge pfuku yi kombele vahakelaxibalo ku tlilika linki yihi na yihi ku fikelela vukorhokeri bya yona.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.

MAKUMU